



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj:13-02/01-04-6550/21
Sarajevo, 17.05.2021.godine

- **SKUPŠTINA KANTONA SARAJEVO**
Služba za skupštinske poslove
Ovdje
- **VLADA KANTONA SARAJEVO**
Stručna služba Vlade
Ovdje

Predmet: Odgovor na zastupničku inicijativu - dostavlja se

Zastupnica Vildana Bešlija, u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst – broj: 41/12, 15/13, 47/13, 47/15, 48/16, 9/20 i 14/20), na 33. Radnoj sjednici Skupštine Kantona Sarajevo, održanoj dana 03.03.2021.godine, u okviru tačke Dnevnog reda "Poslanička/zastupnička pitanja, inicijative i odgovori" uputila je zastupničku inicijativu "za donošenje posebnih propisa kojima se utvrđuje koje se osobe smatraju zlostavljanima kao i koja su njihova prava, a u skladu sa članom 15. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst, 38/16, 44/17 i 28/18)"

ODGOVOR

Ministarstvo za rad, socijalnu politiku, raseljena lica i izbjeglice Kantona Sarajevo je sa pažnjom razmotrilo predmetnu zastupničku inicijativu i u vezi sa navedenim dajemo slijedeći odgovor:

U vezi sa predloženim u navedenoj zastupničkoj inicijativi ističemo da u Kantonu Sarajevo u sistemu socijalne zaštite građani ostvaruju brojna prava i usluge koja im se obezbjeđuju u skladu sa propisanom nadležnošću i budžetskim sredstvima na poziciji Ministarstva za rad, socijalnu politiku, raseljena lica i izbjeglice Kantona Sarajevo.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090

- Sarajevo, Reisa Džemaludina Čauševića 1



Ministarstvo podržava predmetnu inicijativu uz napomenu da Ministarstvo u okviru svojih nadležnosti za korisnike u stanju socijalne potrebe kontinuirano provodi postupke u smislu ostvarivanja svih prava za koja ispunjavaju uslove, a propisani su važećim zakonskim i podzakonskim propisima u oblasti socijalne zaštite.

Napominjemo, da je ovo pitanje regulisano posebnim propisima: Zakon o zaštiti od nasilja u porodici ("Službene novine FBiH" broj 20/13), Zakon o ravnopravnosti spolova u BiH – Prečišćen tekst ("Službeni glasnik BiH" broj 32/10), Krivični zakon FBiH ("Službene novine FBiH" br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), Zakon o zaštiti i postupanju sa maloljetnicima u krivičnom postupku ("Službene novine Federacije BiH" broj 7/14), Zakon o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17 i 28/18) i drugi međunarodni i domaći zakonski i podzakonski propisi, strategije i akcioni planovi koji uređuju pitanja zaštite žrtava nasilja, te prava i usluge koje žrtve ostvaruju (član 15. Zakona upravo to i podrazumijeva, nije propisano da je taj posebni propis Zakon o socijalnoj zaštiti, zaštiti civilnih žrtava rata i zaštiti porodice sa djecom).

Kada je u pitanju zdravstvena zaštita u oblasti zaštite porodice sa djecom, u tom smislu posebno značajnim smatramo istaći činjenice da je Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14-Prečišćeni tekst, 38/16, 44/17 i 28/18) propisano da osobe koje se nalaze u stanju socijalne potrebe imaju pravo na zdravstvenu zaštitu ukoliko ovo pravo nisu ostvarile po drugom osnovu.

Zaštita žrtve nasilja u porodici osigurava se u skladu sa važećim zakonima koji propisuju pravo na zdravstvenu i socijalnu zaštitu i ostvarivanje prava na pravnu pomoć.

Poslove vezane za ostvarivanje navedenog prava vrši općinski načelnik/općinski organ uprave nadležni za poslove socijalne zaštite, zaštite civilnih žrtava rata i zaštite porodice sa djecom putem općinskih službi za rad, socijalna pitanja, zdravstvo, izbjegla i raseljena lica koje provode dio zakona iz oblasti zaštite civilnih žrtava rata i zaštite porodice sa djecom. U drugostepenom postupku o pravima i obavezama po osnovu ovog zakona rješava Ministarstvo za rad, socijalnu politiku, raseljena lica i izbjeglice Kantona Sarajevo.

Zakonom o zaštiti od nasilja u porodici propisano je da žrtva nasilja u porodici ima pravo na osiguravanje osnovnih životnih potreba u pogledu neophodnog zdravstvenog, socijalnog i materijalnog zbrinjavanja i pravo osiguravanja pravne pomoći za rješavanje socijalnog, ekonomskog i drugog statusa.

Zakon o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo propisuje prava na zdravstvenu zaštitu korisnicima pa i žrtvama nasilja, te pravo na materijalnu i drugu pomoć.

Imajući uvidu činjenicu da i ove kategorije spadaju u najosjetljivije kategorije našega društva, Ministarstvo je uvijek spremno da u okviru svoje nadležnosti učestvuje u realizaciji zajedničkih multiresornih mjera i aktivnosti koje će dovesti do poboljšanja njihovog položaja.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Žrtva nasilja prema Zakonu o zaštiti od nasilja u porodici ima pravo na privremeno zbrinjavanje u sigurnu kuću na zahtjev policije ili organa starateljstva u trajanju najduže do šest mjeseci, koji se na zahtjev sigurne kuće može produžiti uz pisanu saglasnost nadležnog organa starateljstva.


Pored zbrinjavanja u sigurnu kuću, žrtva nasilja u porodici prema Zakonu o zaštiti od nasilja u porodici, može se zbrinuti u drugu odgovarajuću instituciju ili kod druge porodice na zahtjev organa starateljstva, kada organ starateljstva ocijeni da je to povoljnije za žrtvu i uz saglasnost žrtve nasilja.

Pored prava propisanih Zakonom o zaštiti od nasilja u porodici, prava na određene usluge žrtva nasilja ima i po osnovu Porodičnog zakona Federacije BiH, a ogledaju se u prijavljivanju nasilja u porodici i pružanju savjetovališnih i savjetodavnih usluga te drugih usluga koje proizilaze iz predmetnog zakona.

Dakle niz je posebnih propisa kojima su već definisana prava žrtava nasilja u porodici.

Napominjemo da u ovom momentu nismo u mogućnosti predlagati donošenje novih propisa s obzirom da je članom 12. stav (5) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", br. 18/20, 46/20 i 12/21) propisano da se odgađa donošenje propisa i akata iz nadležnosti Kantona koji proizvode dodatne fiskalne efekte na Budžet.

Pripremila: Slavica Čerančić, pomoćnik ministrice



Dostaviti:

1. Naslovu,
2. evidencija,
3. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
ID 15 100 63666

www.tuv.com